

Xana ku humeleta yini loko mindzilekani ya xifundza xa wena xo vhotela yi cinca?



Mikarhi yin'wana mindzilekani ya xifundza xo vhotela ya cinca. Loko leswi swi humeleta, vavhoti lava tsariseke eka tindhawu leti khumbekaka va fanele ku tsarisa nakambe. I swa nkoka leswaku u tsarisa nakambe ku endlela leswaku u nga vhoti eka xifundza lexi hoxekeke. U fanele ku va eka xifundza lexi lulameke ku endlela leswaku u vhotela khanselara wa wadi loyi a nga ta yimela wadi leyi u tshamaka eka yona. Ku ku pfuna ku endla leswi:

- Vatirhi va EC va endzela vavhoti lava khumbekaka emakaya ya vona ku va tsarisa eka xifundza lexi lulameke xo vhotela.
- Nakambe vatirhi va EC va hlamusela vavhoti hi mayelana na ku hikwalaho ka yini switichi swa vona swo vhotela swi cincile.

Hikwalaho ka yini mindzilekani ya xitichi xo vhotela yi cinca?

Mikarhi yin'wana swa laveka leswaku mindzilekano ya xifundza xo vhotela yi pfapfarhutiwa hi vuntshwa. Leswi swi nga humeleta ku endlela leswaku:

- Vavhoti va kota ku fikelela xitichi xa vona xo vhotela hi ku olova.
- Khomixini ya Nhlawulo yi kota ku lulamisa switichi swo tala swo vhotela eka tindhawu leti vavhoti nkarhi wun'wana va faneleke ku fola tilayini to leha ku vhota.
- Xifundza xo vhotela xi le ndzeni ka ndzilekani wa wadi ya masipala eka swiyimo leswi mindzilekani ya masipala wa miganga yi cincacinciweke.

Khomixini ya Nhlawulo yi tirhisa swifundza swo vhotela ku kunguhatela mihlawulo:

- Vavhoti va tsarisiwa eka nxaxamelo wa vavhoti wa rixaka hi ku fambelana na xifundza xo vhotela.
- Ku tiva ku i vavhoti vahi va nga eka swifundza swihi swo vhotela swi anstwisa makunguhatelo. Tanihi xikombiso, swi pfuna ku kunguhatela nhlayo ya maphepha yo vhotela lama xitichi xin'wana na xin'wana xo vhotela xi ma lavaka.
- Ku tiva ku i muvhoti wihi a nga eka xifundza xihi xo vhotela swi pfuna ku tiyisisa leswaku ku vhota hinkwako ku le nawini. **A wu pfumeleriwi ku tsarisa eka xifundza xo vhotela lexi u nga riki mutshami loyi a kumekaka eka xona hi minkarhi yo tala.**

I ncini lexi vavhoti lava khumbekaka va faneleke ku xi endla?

- U fanele ku tiva leswaku vatirhi va Khomixini ya Nhlawulo eka ndhawu ya ka n'wina va nga ha fanelo ku endzela kaya ra wena.
- Va ta titivisa tanihi vatirhi va Khomixini ya Nhlawulo.

ELECTORAL COMMISSION

ENSURING FREE AND FAIR ELECTIONS

SOUTH AFRICA



- U fanele ku va komba pasi (ID) ra wena ra rihlaza leri nga na bakhodi, ID ya khadi ro hlayeka hi khomphyuta kumbe xitifikheti xa ID ya nkarhinyana.
- U fanele ku tatisa fomo leyi va ku nyikaka leswaku va kota ku tsarisa nakambe.
- Mutirhi wa EC u ta sikena ID ya wena kumbe ID ya wena ya khadi ro hlayeka hi khomphyuta. U vekela xitikara eka pasi ra wena kumbe, loko u ri na ID ya khadi ro hlayeka hi khomphyuta, u xi namarheta eka fomo. Lexi i xitiyiso xa xikombelo xa ntsariso. Mutirhi loyi u ta ku nyika adirese leyintshwa ya xitichi xo vhotela.

TSUNDZUKA: U nga nyiki mutirhi adirese leyi nga riki adirese ya wena ya ntiyiso. **Leswi i vugevenga naswona u nga ya ekhotsweni ku ringana 10 ra malembe.**

Vavhoti lava khumbekaka va faneleke ku tsarisa nakambe rini?

- Eka minhlawulo leyi taka ya mimfumo ya miganga, u ta endzeriwa ekaya ka wena hi masiku lama ha faneleke ku tiyisisiwa.
- Masiku lama nga kotekaka ya ku endzeriwa loku ya ta va emaphenephi ya le migangeni. Tiphamfulete ti ta fikisiwa ekaya ka wena.
- Nakambe u nga kota ku tsarisa hi vuntshwa eka hofisi ya le mugangeni wa ka n'wina ya EC kumbe eka xitichi xa ka n'wina xo vhotela hi nkarhi wa ntsariso wa mani na mani ku nga si fika mihlawulo ya mifumo ya miganga ya 2016.



TSUNDZUKA: A wu nga swi koti ku tsarisa hi ku tirhisa Inthanete kumbe hi riqingho. U fanele ku tsarisa **hi wexe**.

Ku kuma VUXOKOXOKO byo tala tihlanganise:

Hofisi ya rixaka

Riq: 012 622 5700 Fekisi: 012 622 5784

Senthara ya tinqingho

0800 11 8000 (hi nkarhi wa nhlawulo)

Tihofisi ta swifundzankulu

Kapa-Vuhumadyambu

Riq: 043 709 4200
Fekisi: 043 743 4784

Free State

Riq: 051 401 5000
Fekisi: 051 430 4845

Gauteng

Riq: 011 644 7400
Fekisi: 011 644 7448

KwaZulu-Natal

Riq: 031 279 2200
Fekisi: 031 279 2226

Limpopo

Riq: 015 283 9100
Fekisi: 015 297 2506

Mpumalanga

Riq: 013 754 0200
Fekisi: 013 753 2564

North West

Riq: 018 391 0800
Fekisi: 018 391 0851

Kapa-N'walungu

Riq: 053 838 5000
Fekisi: 053 831 8095

Kapa-Vupeladyambu

Riq: 021 910 5700
Fekisi: 021 910 4965

Hi ku tirhisa Inthanete

iec@elections.org.za www.facebook.com/IECSouthAfrica www.twitter.com/IECSouthAfrica
www.elections.org.za www.youtube.com/IECSouthAfrica